

Si no yega na un areglo entre UNOCA y CCA

Stichting Cultureel Centrum ta core riesgo di bati bancarota

ORANJESTAD(AAN) -- Juez mr. van der Griendt a declara e demanda di Stichting Cultureel Centrum Aruba contra UNOCA no admisibel pasobra e ta haya cu den un caso sumario no por bay trata un caso asina complica. El a bisa abogado di Stichting Cultureel Centrum Aruba, mr. C. Lejuez cu loke por haci ta cuminsa un otro caso caminda mas profundo lo bay analisa tur cos. Tambe Juez a bisa pa e dos partidonan sinta na mesa y mira si por yega na un solucion pa e problema existente entre UNOCA y

Stichting Cultureel Centrum Aruba.

Diamars mainta Corte di Promer Instancia a trata e caso cu Stichting Cultureel Centrum Aruba (CCA) a cuminsa contra Fundacion Union di Organisacionnan Cultural Arubano (UNOCA).

CCA a worde representa pa abogado mr. C. Lejuez mientras cu UNOCA a worde representa pa mr. J. Peterson. Por a constata cu tabatin basta hende presente cu kier a scucha e caso.

Despues di a scucha e dos abogadonan, Juez mr. van der

Griendt a bisa cu e ta haya e caso mucho complica pa e worde trata den un caso sumario. Pesey e ta declara CCA no admisibel den su demanda. El a recomenda pa e dos abogadonan sinta na mesa y mira si por yega na un solucion.

Ta asina cu CCA tin casi 50 aña di existencia y segun mr. Lejuez nan a acudi na Juez pa haya un solucion pa e problema cu tin años andando cu UNOCA. Door di e problema aki CCA ta sali perhudica.

Segun mr. Lejuez, den un forma sistematico UNOCA ta sea tranca of tarda cu placan di subsidio na CCA y esaki ta perhudica CCA den su maneho cu ta organisa proyectonan cultural.

Segun mr. Lejuez e problema entre CCA y UNOCA ta e procedura cu mester sigui pa haya adelanto di e subsidio cu CCA ta haya

di Hulanda via UNOCA. El a menciona un cantidad di cifra pa muestra con UNOCA ta tranca pagonan cu CCA mester haya pa por opera.

Abogado mr. Peterson ta di opinion cu e problema ta cu CCA no ta atene su mes na e reglanan. Ta UNOCA tin cu dicidi si e proyecto ta worde financia of no y no ta asina cu CCA por haci y deshaci. El a muestra tambe cu ta CCA ta hibando un mal maneho y esey ta causa cu CCA ta den un situacion dificil.

Juez mr. van der Griendt a cera tratamiento di e caso y a dicta sentencia di biaha caminda el a declara CCA no admisibel den su demanda ya cu den un caso sumario no por bay trata un caso asina complica. Juez a bisa mr. Lejuez cu e opcion ta pa cuminsa un otro caso "bodempcedure". Tambe el a propone pa e dos partidonan sinta na mesa y mira si por yega na un solu-

cion.

Investigacion cu DIARIO a haci ta muestra cu tabatin negociacionnan andando pero ambos partido no kier cambia di posicion o sea cu e problema en realidad ta incontrolabel.

Si den e ultimo intento aki no bin cambio, no ta keda nada otro cu CCA lo mester disolve pa evita cu nan lo bay bancarota. Door di disolve lo por bende propiedadnan y haya placa cu lo por cubri e gastonan cu tin y ainda resta placa cu por ser dedica na proyectonan cultural.

Ta di lamenta cu un fundacion cu casi 50 aña di existencia ta para caba na nada door di un problema cu tin años ta andando. Lo ta interesante pa mira si lo por yega na un solucion pa salba CCA cu ta contribuyendo enormemente den siña nos hobennan entre otro musica, baile, teatro, etc.

SNACK BAR A PONE MACHINE DI WEGA DI PLACA

ORANJESTAD (AAN) -- Ayera un lector a tuma contacto cu DIARIO pa menciona cu tin un snack bar, aparentemente na Noord, cu a pone tres machine pa wega di placa (tipo casino pero chiquito), unda hendenan por hinca quarters. E problema grandi ta sinta cu hendenan cu ta riba lista cu no por drenta casino mas, awor cu a descubri e lugar aki a haya chens pa hunga y core mesun suerte cu tempo cu nan tabata bay casino. E lector no sa si e minicasino aki ta legal, pasobra te unda e sa for di tempo cu a elimina e machinnan pa hunga placa

como 7 aña pasa gobierno a prohibi pa establecimentonan bin cu e sorto di aparatonan aki.

Y si ta asina cu nan ta legal anto no tin sentido pa busca ayudo cerca gobierno pa aplica e ley existente na esnan cu ta abusa di hungamento di placa y ta pone na peliger e estabilidad material y emocional di nan famia.

Pesey e ciudadano ta kere cu lo ta bon pa instancianan concerni investiga un ke otro tocante e snack bar aki, of otronan cu tambe por a introduci e sorto di weganan di placa tipo casino aki.

Autoridadnan concerni por dji bay tira un bista riba e barnan cu tin na Noord y otro camindanan pa wak unda tin machine y pidi nan muestra e permiso pa opera esakinan.

OPINION PUBLICO

Clientenan di Departamento Social na Lagoenweg ta keha cu e servicio di tal departamento ta malisimo pa loke ta trata orario di trabao.


Esnan cu ta bay na e departamento aki for di mainta tempran ta haya nan mes confronta cu e hecho cu riba un borch ta skirbi e orario di 7'or y mey, pero ta banda di 8'or mainta trahadonan ta cana kibra y prome cu nan a cuminsa atende hende ya otro mey ora a pasa.

Si riba e borch ta poni 7'or y mey anto tur trahado cu mester atende publico mester percura pa nan ta den oficina prome cu 7'or y mey, segun kehonan di clientenan rabia.

Haystack Residence

Het grootste en mooiste Villapark op Aruba

Uw Droomvilla op Aruba



APARTMENTS 60M2

Vanaf Afl. 1000,- / mnd.

DIRECT BEWOONBAAR

HUURKOOP

100% FINANCIERING INCL. GROND

GEEN DOWN PAYMENT

INFO: HOOIBERG #91-D, TEL: 850550

OOK LOSSE KAVELS EIGENDOMSGROND

Embeyese y duna mas bolor na bo Cas of Edificio

CTI Concrete Resurfacing System



- 2x mas fuerte cu concreto normal
- Cualkier diseño of color ta obtenibel
- Resistente na salpeter
- Color no ta blikia

Lubida azuleho Usa CTI pa bo piso paden di bo cas tambe.

CTI ARUBA
Concrete Technology Incorporated
Kleinebergweg 21 - San Nicolas - Aruba
Tel: 297-8-40593 Fax: 297-8-40976